

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 01.12.2017թ. թիվ 1707215585 որոշումը բեկանելու, իսկ 07.12.2017թ. թիվ 1707257832 որոշումն անփոփոխ թողնելու մասին

<< 13 >> 02 2018թ. 12-4-34843-12/12-4-1962

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Ղազարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մ.Ավետիսյան 2-րդ փող. 13Ա շենքի 42 բն. բնակիչ Սուրեն Ղազարյանն իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 01.12.2017թ. թիվ 1707215585 և 07.12.2017թ. թիվ 1707257832 որոշումներին՝ խնդրելով վերանայել դրանք:

Դիմումի ուսումնասիրմամբ պարզվել է, որ պահանջը ենթակա է մասնակի բավարարման՝ հետևյալ պատճառաբանությամբ:

Ճանապարհային ոստիկանության վարչական տույժ նշանակելու մասին 01.12.2017թ. թիվ 1707215585 որոշմամբ դիմումատուն վարչական պատասխանատվության է ենթարկվել հատվող երթևեկելի մասի եզրից 5 մետր պակաս վայրում կանգառ կատարելու համար, մինչդեռ խախտումն ամրագրած տեսանյութում հատվող երթևեկելի մասի եզրը պատկերված չէ, ուստի դրան 5 մետրից պակաս վայրում կանգնած լինելու փաստն ապացուցված համարել հնարավոր չէ:

Ինչ վերաբերում է 07.12.2017թ. թիվ 1707257832 որոշմանը, ապա խախտումն ամրագրած տեսանյութն ապացուցում է, որ դիմումատուն ձախ շրջադարձ է կատարել <<Հետադարձի տեղ>> ճանապարհային նշանի տեղակայման վայրում, ինչը ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման հավելված թիվ 1-ի ձև 1-ով արգելված է:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց

1. Վարչական բողոքը բավարարել մասնակի, Ճանապարհային ոստիկանության վարչական տույժ նշանակելու մասին 01.12.2017թ. թիվ 1707215585 որոշումը բեկանել, իսկ 07.12.2017թ. թիվ 1707257832 որոշումը թողնելու անփոփոխ:
2. Սույն որոշումն ուժի մեջ է մտնում ստանալուն հաջորդող օրը և կարող է բողոքարկվել ՀՀ վարչական դատարանում՝ ՀՀ օրենսդրությամբ սահմանված կարգով:
3. Սույն որոշման օրինակն ուղարկել Սուրեն Ղազարյանին և ՃՈ ՏՄՀԽԱ կենտրոն:



Ե.Կարապետյան